

Nekadebemada bedeadilara poya jaraɖia wɛraraba cabadaa maɓgara joropa ɓawarɗeɓa. Maɓ ne cawaa aɗyiraba eropanɓa bio dɔrabara ewaride bema. Eɗaude maɓ jamarara kabadaa pɔrara kɗua ɓawarɗeɓa. Maɓ nekara aɗyirɓa oɗi karea dyi joropa ɓawarɗa tuɗe wabaɗaa. Enenapeɗa jeupanebaria naucha. Mabeɓara necapanebaria. Eɗaude aɗyirɓaba kabadaa gorogora; paɓmaada dyi torro ume. Beraara juma wɛrara Comarca Embera Wounaan, Tierras Colectivas Embera Wounaan idyaba Tierras Colectivas Embera de Alto Bayanonebe,arɓa ka kawabeaa.

Maɓ awara kabadaa dyi paɓwara dji torro ume. Aɗyirɓa kakuabadaa, pepenada, jaɓarada, oɗyugurruda, petaada waiɓa, dyuburi, kirɓtanoa. Baribara aɗyi nekara bio dɔra droamarɛa maɓ joropa ɓawarɗa tubadaa jeɗeko biade. Mawɓ obadaa kawapanɓɓɛra maɓwɓ oɗaɛ baibara aɗyi nekara abeɗa dɔraene chimiaba juma koida. Bio jaraɗibara bio kirɓtanɔa aɗyirɓa ka kacawa panɓa ne jumaa waiɓade biɗa. Maɓ nekara obadaa ne wagaɗi karea, ne eɗeeɗi karea, arro uɗide sugaɗi karea biɗa. Maɓda naɓ ne kawara bio dyi biada kawa panɓ ɓɛra aɗyirɓa dyi kaurɓa jaradai panabaria maɓ nekara quiradoaɗa amaaba. Maɓ ne kawaara biara unubadaa opanɗa eɓera wɛraraba idyaba nonama wɛraraba kapanɗa.

Maɓ nekaɗe ne juma aɗyirɓa wagabadaa. Epeɗekoda, aɗji wada, dyioda, ne jumaada. Maɓ nekadebemara idyaba poya jaraɖia ababe wɛrarabara kabadaa. Umakirɓa kaɗakaa. Umakirɓa kaidibara dewarara umakirɓa biɛ unubadaa. Maɓ karea aɗyirɓa poya kaɗida panɓida kaɗakaa.